



Zorg en Jeugd Caribisch Nederland
Ministerie van Volksgezondheid,
Welzijn en Sport

Proyekto piloto biba ku guia pa hóbennan na Hulanda Karibense



Den un investigashon di e problemátika di adolesentenan na Hulanda Karibense, importansia di posibilidat di akohida pa hóbennan vulnerabel ta bin dilanti. Partikularmente e kombinashon di alohamentu ku èkstra guia ta importante pa por dal e paso den direkshon di madures.

Pa ken?

E proyekto piloto ta pa hóbennan di 16 te ku q 23 aña na Boneiru, Sint Eustatius i Saba, ku durante un tempu largu ta den e trayekto di yudansa serka Jeugd zorg i ku ta kla pa e siguiente paso pa bira mas independiente. E hóbennan aki no por regresá kas, pasobra e situashon na kas, apesar ku a duna yudansa pa tempu largu, ta keda meskos. E hóbennan no por konta riba suficiente sosten di nan ambiente na kas i nan ret di kontakto den e transishon di hubentut pa madures.

Guia intensivo

Den e facilidad di biba ku guia hóbennan ta siña pokopoko pa biba independiente. E hóbennan diariamente ta haña guia di guianan residencial i e koordinadó di e facilidad di 24 ora. E guia ta dirigí entre otro riba ampliashon di e kapasidat pa para riba propio pia, madures, propio kuido i siña abilidadnan sosial, relashonal i práktiko.

Banda di guia residencial diario e hóbennan ta haña sosten tambe pa logra nan metanan personal. E profesionalnan di kuido di hóben i mentornan di Jeugd zorg ta keda responsabel pa esaki. Meta di e trayekto di biba ku guia ta pa den mas òf ménos dos aña e hóbennan ta kapas pa nan mes dirigí nan bida.

Siña den fase

Jeugd zorg ta responsabel pa guia di e hóbennan den e proyekto piloto biba ku guia. E guia ta kuadra mas tantu posibel ku e ayudo eksistente di Jeugd zorg i ta basá riba 'Child Focus Approach'. A base di un plan di kresementu personal e hóben ta pasa dor di e facilidad di biba ku guia den tres fase:

[Fase 1: Guia pa medio di instrukshon](#)

[Fase 2: Guia pa medio di coaching](#)

[Fase 3: Guia pa medio di konseho](#)

Kada fase konosé metanan di siñansa personal ku ta pas ku e grado di independensia di e hóbennan. Segun nan ta pasa dor di e fasenan, independensia di e hóbennan lo oumentá i e guia lo bira ménos intensivo.

Partisipashon di hóbennan

Den kada fase e guia- residencial, profesional- di kuido di hubentut i oradornan invitá lo duna tayer i entrenamentu. Banda di un kantidat di tópiko fiho, e hóbennan ta haña partisipashon ora di pensa i selektá tópickonan. Partisipashon di e hóbennan ta esensial.

Entrada i salida

E proyekto piloto a kuminsá na mart 2021. E sitio di e proyekto ta brinda espasio na mas òf ménos 9 hóben. Akceso ta tuma lugá via Jeugd zorg. Durante dos aña lo prepará e hóbennan pa bira mas independiente pa medio di entrenamentu, kurso, tayer i guia personal. Ta averiguá si por pone lugá di biba na disposishon pa hóbennan ku ta finalisá e trayekto di biba ku guia ku éksito, di manera ku por garantisá ku tin fluho.

Personanan di kontakto pa e proyekto piloto

E facilidad di biba ku guia ta kuminsá komo un proyekto piloto, di manera ku tin espasio pa adaptashon si esei ta rekerí den práktika. Partnernan di kadena ta keda kordialmente invitá pa kompartí ideanan pa mehorashon di e facilidad ku e koordinadó di e previshon. Pa otro preguntanan tambe e koordinadó ta e promé persona di kontakto:

Solange Martilia

Mail: solange.martilia@rijksdienstcn.com

Telefòn: (+599) 781 5690

Ku e proyekto piloto biba ku guia e oportunidatnan pa futuro di un grupo basta grandi di hóben na Boneiru, Saba i Sint Eustatius ta oumentá.

